

職方典策七百七十五卷

安慶府部彙考三

安慶府城池考

府志

本府

懷寧縣附郭

安慶府城池自宋慶元元年陞舒州爲安慶府嘉定十年夏四月金人犯光州寧宗以黃幹知安慶幹至則金人已破光州乃請諸朝建城於盛唐灣宜城渡之陰其城北負大龍東阻湖西限河南瞰大江周九里一十三步設門五東曰樅陽東南曰康濟南曰盛唐今改鎮海西曰正觀亦曰八卦北曰集賢遂建府治元至正丙申守帥余闕重修增高至二丈有大濬重壕三引江水環遶今古壕塹跡見存明洪武庚午指揮戈預重修濬池深至一丈嘉靖辛丑知府吳麟於城內周圍加甃以甃天啟癸亥知府陳鑑通判歐陽騰霄大加修葺騰霄董治勤瘁皖人祠焉崇禎乙亥知府皮應舉補其傾圯知縣黃配元續砌周城馬道北關一帶增高雉堞建敵臺四一正觀門右一樅陽門左二集賢門右濬舊壕爲功最鉅乙酉左兵破皖五城樓盡燬是年

夏季

皇清知府桑開第重建五樓順治庚寅旱霖雨連月城圯實多操撫部院李日升知府王廷賓知縣賈壯修補如舊順治庚子操撫宜永貴登陴周視瑩女牆將舊城三千餘垛合四爲一約七百五十四垛周城設立窩鋪計間數二百四十有奇以備守禦

外縣

桐城縣城池舊有城卽隋同安郡故址設門四東賓陽門南陽和西貞兌北龍眠咸有樓宋末徙治樅陽又徙池之李陽河元始還舊治城久傾圯明萬曆丙子知縣陳于階建磚城周六里門六東曰東作東偏曰向陽南曰南薰西曰西成西偏曰宜民北曰北拱咸有樓崇禎乙亥知縣楊爾銘重加修葺更設窩鋪砲臺

皇清康熙庚戌秋因雨城圯知縣胡必選同鄉紳彭麟戴芳重修之

潛山縣城池舊有城卽府治故址通典云楚靈王所建周七里二十有一步高二丈四門又云古新城後爲縣遷於西久圯無城止有迎恩回鄉皖公朝天四門明崇禎丙子戊寅兵備道史

可法知縣柯友桂建城備寇工未畢庚寅洪水衝頽遂中廢

皇清順治己丑操撫部院李日夙知縣鄭適元副將梁大用築建土城唯東北仍舊脚西南收縮由
高營壩至同安橋與東北舊脚接

太湖縣城池舊有城周七里環城有池深廣各丈餘門六東仁和東偏來春南阜民西天晶西
偏德勝北肅政咸有樓明嘉靖乙酉知縣王良卿修萬曆間水漲東北成河崇禎丙子知縣楊
卓然建磚城避東北水患收縮止周六里門六東長泰東偏靖海西鎮湖西偏永寧南匯江北
馴龍咸有樓崇禎甲申知縣李盛英修門六易名者四東宣威西鎮武南懷德北安定尋屢經
流寇洪水六門傾圮

皇清順治戊子知縣李世洽修康熙丙午雨傾北城知縣羅綺修壬子雨傾西城知縣王崇曾修葺
宿松縣城池舊無城明崇禎乙亥知縣苟天麒始築城址外垣門六東寅賓東偏集賢南薰阜
西鼇奠西偏永濟北拱辰尋經寇燹工遂廢

皇清康熙壬子知縣朱維高起造懸樓二十座以備守禦

望江縣城池舊無城明萬曆乙亥同知蹇達署縣築始建四門東清城西嘉澤北孝感東北鳳威有樓周六百二十六丈戊子清城孝感二樓災知縣羅希益重建崇禎乙亥知縣黃配元防寇增高之己卯春霪雨城泝知縣祝維嵩補築之未及半流寇突來守將戚國泰躬負石五晝夜成堅

皇清順治己丑知縣王世蔭重修城樓

安慶府關梁考

府志

本府

懷寧縣附郭

海門第一關在小孤山元天曆中立鐵柱於此長三丈有奇壁立江心控扼吳楚小孤去海千里而遙其稱海門第一關者或云爲皖之海口設也海口在皖治西五里亦名海瀾揭侯斯有乾坤上下雄孤柱吳蜀東南壯此關之句 集賢關在府北十八里連山迤邐至此而爲狹

嶺置關其上與桐之北峽相似北峽者吳人用以侮曹休則懷之用武防禦宜憑此 蕭家

橋在城中

三步兩橋在城內衛前東偏

大新橋石門漳港兩湖之水由此達江清濁

如涇渭明萬曆間邑紳司馬汪道亨鑿石重建商賈往來鱗集比屋多河舫茶竈酒帘中央宛在一時遊展初停估帆夕下卽有前俯大江後望澄湖之槩 小新橋在新河口 便民

橋在城西新橋北 前同安橋在城西 後同安橋在後街通肅忠池清水間諸水

廣濟橋在城西二里 二郎橋在城西二里 弔橋二一樅陽門外一集賢門外 石

橋在樅陽門外 大野螺橋在南嶺外自皖達京師之第一橋也橋當孔道春夏漲溢非此

則病涉八省輪蹄所過有康莊之羨焉 小野螺橋在南嶺外路由東 楊樹橋在野螺

南達樅陽龍灣路 寒塘泊橋在淥水鄉 谷家橋在淥水鄉 沙橋在淥水鄉

車津澗橋在總鋪北五里 石門橋在石門湖中 蕭家橋在虎澗 高橋在大豐鄉

秦家橋在城東二十里 白石橋在堯年鄉麻塘湖水出此 鷄籠寺橋在齋人鋪

官豸橋在皖口昔有縣令造此贅其半尙未成今三空現存 大橋在文殊寺前 四武

寺橋在青溝嘴 雙城寺橋在大豐鄉 高河埠橋在欽化鄉 三雅寺橋在欽化鄉

茅城橋在大豐鄉 觀音橋在欽化鄉 西澗橋在欽化鄉 大三橋在受泉鄉

小三橋在受泉鄉

洙流橋在欽化鄉

車津橋在大豐鄉

宜城渡在康濟門外大

江之漕江南北所由通也南岸隸東流

石門渡在石門湖之中

山口渡水落渡僅里

許若夏秋漲溢官笏橋空隱不見小舸泝浪至郡十五里

石庫渡在冶塘口

鹿角渡

在石牌楊家灣

洙流渡在洙流河

宣團渡在黃坡坂

長楓渡在長楓夾

桐城縣

北峽關孫權控扼之地其北距廬鳳其南指江黃有營汛

桐溪橋在縣東城外距城僅數

十武爲京省通津元末方德益捐金甃石橋便之明嘉靖末始圯復易以木歲久亦頽

皇清康熙乙巳知縣鄔汝楫重建木橋大復舊觀近亦漸頽康熙戊申知縣胡必選重構堅實往來

稱便更名曰子來橋

回龍橋在城內察院東

桐陂橋在城內錢氏書院西

清水

橋在西城水關

洙泗橋在儒學前溝水環繞明倫堂從雙橋遶出南城外洗硯池

黃

公橋在縣東三十里

孔城石橋在縣東三十里

孔城木橋在縣東三十里

黃華

橋在縣東南一百里

上深溝橋在縣東二十里

萬安橋在縣東南八十里

錢家

橋在縣東七十里

仙人橋在浮山

渡仙橋在浮山

會公板橋在縣東

朱公

橋在縣東

和尚橋在縣東

龍潭橋在縣東

土橋距城八十里石碑界

宋家

橋距城九十里石碑界

鳳凰橋在縣南一百里石碑界

太平橋在縣南三十里

下深溝橋在縣南三十里

義津橋在縣南七十里

官步橋在縣南一百里

七星

橋在縣西一里靈泉寺前

石井橋在縣西四十里

楊使橋在縣西三十里

挂車

橋在縣西二十五里

官莊橋在縣西八里

包家橋在縣西南三十五里

楊樹灣

橋在縣東五十里

下黎橋在縣北三十里

木樨橋在縣北三十二里

魯王橋在

縣北十五里

棗樹橋在縣南二十五里

舉步橋在縣東三十里係往來通衢康熙二

十年頽壞本縣知縣王凝命捐資募建石橋

便民橋在縣東門外長十七丈二尺七省通

津康熙二十二年三月初八日山水驟漲沖倒本縣知縣王凝命捐貲修建完備堅固

練

潭渡在縣南六十里

新安渡在縣南四十里

烏金渡在縣東一百一十里

石溪

渡在縣東九十里

破壩渡在縣東一百三十里

車津渡在縣東一百里

黃連渡

在縣東八十里

梅渚渡在縣東九十里

沽杯坊渡在縣東一百二十里

雙渡在

縣東一百三十里

方渡在縣東六十里

潛山縣

駕霧關在縣西三十里

龍井關在縣東四十里西堡外

大關在縣西四十里

小

關在縣西五十里

旌駕橋在縣西北十五里善士坊金光祖造

迴龍橋在天桂寺前

漢武帝登封迴輦處

西林橋在山谷寺門秦西林造

試心橋在皖山絕頂

東門

橋在縣東門外明末耆民王鳴鳳鼎建柯知縣以好義生蒸扁給之後圯知縣鄭適元重建

崩河橋在縣東三里林成儲明善同建

黃花橋在縣東五里陳紹周建

三里橋在縣

東五里陳紹英建

破月橋在縣東十里

磬荻橋在縣東北二里張楷芮宗高同建

珠琳河橋在縣東十五里亂墩山下

西門橋在縣西門外知縣李新建

平託橋在縣

西五里金廣潤建

皖公橋在縣西四里

小石橋在縣西十五里

龍骨橋在縣東

北七里芮啟治張楷同建

乾河橋在北門演武場侯邦宜建

文峯橋在縣南河文峯

塔下知縣于廷采建 黑河橋在縣南門外金廷傑陳紹周同建 便南橋在縣南城外

王誌建 茅家壘橋在縣南十里 裴家溝橋在縣南五里 江家橋在縣南十里

許家河橋在縣南十五里 黃泥溝橋在縣南二十里 九井河橋耆民王星捐貲建

青山渡在縣南三十里地名車輞坂 袁家渡在縣西六十里 西河渡在縣西一里

黃柏渡在縣西五十里水吼嶺 破越渡在縣東十里 古角渡在縣東五里

太湖縣

花橋卽北門外橋舊在龍山水廣不及丈餘人偶以龍舟廢板渡之故名今則水決成大河矣其名猶存知縣王崇曾置造渡艘近又爲驛使孔道前船已朽知縣方人龍造二船渡之往來如織不阻置郵焉 載楊橋知縣徐必達造舟爲浮橋署篆經歷石文器治鐵索繫舟爲

久遠計明崇禎間儒士阮大鎮助田七十畝爲歲修橋之費亂後渡廢田隱知縣李世洽清查造舟濟之日久傾朽知縣方人龍重造 見龍庵橋在縣南五里通望江里民章約端造

蓮池板橋在縣西五里 觀音橋在縣東一里 棠梨河橋在縣西十里邑紳陳所學建

明崇禎間山水衝圯石脚猶存

大龍橋在縣北十里真乘寺僧祖止建

黃絲橋在縣

北七里邑人李讓建

松陽橋在縣東南五里

皋橋在縣南十里

倉前橋在縣東

三十里康熙年間知縣鄒應錫重建有碑記

小龍橋在縣北十里

黎林橋在縣北二

十五里

駐馬橋在縣北三十里

小池橋在縣東四十里

鮮陂橋在縣東四十里

元至正間邑人宋表臣建明成化間孫宋綱重修

徐家嘴橋在縣南四十里

馬路口

渡在縣西一里上通八省南通望江明萬曆間水道從東北故遷渡於載楊橋

潦水灘渡

在縣北十五里通英山

銀杏渡在縣南十里通望江

白茫渡在縣東三十里

項

家埠渡在縣西南二十五里

徐家嘴渡在縣南四十五里通無相寺公館亦通望江知縣

王崇曾造舟濟之

宿松縣

東關在縣治東二里角樓三間

南關在縣治南二里關門一間

大小西關在縣治西

一里關門各一間

北關在縣治北一里角樓三間以上俱明成化己亥知縣趙翊建弘治

戊午施溥重修末年流賊燬

通濟橋在城內邑東北有溪渡水關入城匯於黎河穿市中

達方家橋繞學而南舊甃石爲橋跨市通道明弘治中知縣施溥重修復建亭於上其後耆民趙士彬再修易亭爲關帝閣地液所通每年居民疏治不致淤壅今積礫填流不惟水圯內田卒難墾復而龍脉且不順適矣

應奎橋在縣東儒學前水接秀河明弘治庚申知縣施溥給工資命道士李本章建萬曆間耆民柴應奎同弟重建崇禎庚辰造城橋廢

謁真橋在

縣東玉皇閣右隔秀水河水漲時難以通謁舊有木杓旋架旋廢康熙甲寅知縣朱維高捐俸鼎建石梁

東門橋在縣東傍城沙陂塘昔爲邑宰閻丘別業旁通秀河明弘治戊午施溥

給工資命義民司昕重修

黎協橋在縣東東嶽廟左其地低窪數澤相連水患獨甚明弘

治辛酉施溥給資重建外築長隄旁植密柳中置一小橋以通往來其利賴宏矣

近城橋

在縣東二里明成化丙午知縣孫衍建

惠春橋在縣東三里明弘治庚申施溥給資命僧

建 彭家橋在縣東四里明成化戊戌民人彭信建

雙荆橋在縣東五里明弘治施溥

給資命民尹傑重建

歐訓橋在縣東舊建無考

惠泰橋在縣東明弘治庚申施溥給

資命僧惠泰建衢路乃通

積兒橋在縣東舊建今圯知縣朱維高重修

人和橋在縣

東舊建

白楊橋在縣東七里河衍橫山爲秀水發祥之道明弘治施溥給資命僧惠演建

政通橋在縣東八里舊建

上馬橋在縣東十五里支水赴河時有水漲世傳元末紅巾於

此上馬故名明弘治壬戌施溥給資命民何璉僧人惠宗建萬曆丙戌節婦何氏重修天啟辛

酉邑人程九齡重修

下馬橋在縣東二十里通荆橋河出湖世傳紅巾於此下馬入村搜

掠明弘治戊午施溥給資命道士金元玘建崇禎乙亥流賊至居民斷橋以阻今存石腳止架

木鋪土而渡

新安上下橋在縣東明弘治時施溥給資命民高子欽建

通遠橋在縣

東三十里楓香堤中秋時夾水蕩漾多荻菱鳧雁之屬道通太望懷寧明正德丁丑知縣王泮

建

荆橋在縣東諸水匯於此出泊湖明邑勳石良引水溉田橫約鋪荆載土以濟成化甲

午建萬曆間重建運糧往倉者便之

曹孫橋在縣東荆橋堤中康熙壬子曹聖同僧自如

建

利人橋在縣東舊名彭受橋明弘治丁巳施溥給資民彭瑄重修覆亭于上以息行者

豆溪橋在縣東三十五里明弘治己未民周易等重建

捎衣橋在縣東南七十里明成化

乙巳義民石礎建

放生橋在縣南郭外相傳宋蘇東坡爲舒州團練副使按部至邑有漁

人獲鯉於龍湖攜入市金色爛然頭生微角蘇聞厚值買之放此故名明成化甲午縣丞王克明重建萬曆間耆民趙立綱趙士彬相繼修

皇清順治甲午庠生趙純璧重修

青龍橋在縣南二里明弘治壬戌施溥給資命僧眞清建

通水橋在縣南十里明成化壬寅民吳普明造

烏泥橋在縣南十五里明成化癸卯知縣

孫衍給資命僧祖松建

大喬冲橋在縣南地爲龍湖分支水隘則行人患阻明萬曆中邑

紳金星耀造

新興橋在縣南二十里明弘治癸卯知縣陳恪給資命民陳昱建

普濟

橋在縣南李家壩白泥湖尾順治丁酉庠生張自孔同眾建

通武橋在縣西關外元余

忠宣行師至此伐木爲橋後人易以石因名

小橋在縣西小西關舊建

大橋在縣西

一里西源長溪諸山水至此匯爲大河舊有木橋春夏山雨發洪西坂漂沒河難東流橋亦旋廢明萬曆戊申孝廉畢顯祖捐貲糾工造石橋長數百丈闊數丈勢高於岸雖夾市被浸橋不沒也

皇清順治六年深山起蛟風雷震蕩平地水深丈餘廬舍立毀居民登橋避之比及夜半烟光中偪見龍影來自上流人盡號呼恐橋壞幸闌干曾伏鐵蜈蚣龍望見乃折城邊而去全活甚多若晴明登眺則兩岸綠楊一灣芳草頗多佳致

鎮波橋在縣西四里相傳下有蛟以鐵牌鎮之明成化甲午義民李志建

驪山橋在縣西五里明弘治庚戌知縣陳恪重建

凍僧

橋在縣西昔有略約馬祖開靈隱行風雪中墮入溪衆建橋因名明成化乙巳鄭洪重建

八達橋在縣西俗呼麻踏橋明成化丁未民石枋建

二郎橋在縣西二十里二郎河通衢

明成化辛丑民徐祐鼎建

雁兒橋在縣西三十里澗多蒲葦嘗有鴻雁避冷舖兒於此明

天順癸未民朱茂建

更化橋在縣西俗呼女兒橋舊建

通楚橋在縣西三十五里世

傳子貢爲夫子答聘經此適楚明弘治辛酉朱華余槐重建

鳳凰橋在縣西明弘治辛酉

施溥給贊命民朱全建橋將成夜值月白風清見衆禽擁一大鳥飛鳴過此聲曰郎都識者辨之曰鳳凰也因名

尼僧橋在縣西四十里昔尼僧建後圯明成化丁未僧明忠重建

藕塘橋在縣北一里塘饒菱荷明成化甲午民吳冕建

深溝橋在縣北五里明成化甲午

民張桂建

洗馬橋在縣北十里明天順甲申民潘伯珠建

韭山橋在縣北十二里韭

山寺旁明弘治丁巳施溥給貲命民蔡敏建

萬花橋在縣北十五里介韭山酒房二鋪之

間往來要衢明弘治辛酉施溥給貲建覆亭三楹於上以息行人亭今廢

汪訊橋在縣北

二十里明弘治丁巳義民汪訊建

保安橋在縣北三十里明洪武初年奉議大夫陳漢建

普惠橋在縣北明弘治辛酉施溥給貲命民汪松周松建

董家橋在縣北明成化乙酉民

吳潛建

烏陂橋在縣北相傳陂上有柏樹慈烏巢之橋成見其反哺因名明成化丙戌吳

海建

車馬橋在縣北明弘治己未施溥給貲命義民周鉞修

白龍橋在縣北三十五

里相傳溪中曾有白龍飛去明成化壬辰民石憲建

保池橋在縣北明成化戊戌建

舊縣橋在縣北四十里漢仙田舊治道通蘄舒明弘治戊午施溥重修建亭於上以息行者亭

今廢

迎恩橋在縣北明弘治庚申施溥給貲命民王松等重建

青灣橋在縣北明成

化乙未民鄧和建

東館橋在縣北五十里近余嗜諸湖河流潺湲明景泰癸酉民王權建

通黃梅東館因名

安豐橋在縣北明正統庚申民聶先修

竹墩渡在縣南四十里通

滂池鎮阻長河春冬流細一葦可航夏秋水泛成湖七里黃雀坂皆蕩舟之地或遇大風每日僅可一渡 滂池渡在縣南六十里鎮前白荆青草諸湖相接夏秋抵新溝計三十餘里水影連天問津者頗以烟波爲慮春冬水落則曲行汀岸六七里祇見河流如帶然泥深難涉舟子渡之過此有數橋由陸可達涇江口 赤岡渡在縣東三十二里道通中路者二一經香茗山石牌鎮往府一經無相寺往望江常有役王事者過此涸時沙河可涉春水平岸有串木高橋跨河以接官堤夏秋楓香湖溢與月山諸浦相連非舟不可 長港渡在縣東六十五里往倉大路秋水難涉康熙壬子縣丞朱家楨施船接濟陸運得以刻期至倉 張富池渡在縣東八十里

望江縣

化龍橋在縣南門外明萬曆四年郡同知蹇達建長一十九丈高闊俱二丈有奇兩岸甃級數層橫接沿城馬道明季流賊輒奪橋攻城令楊雲梯於橋頭浴月壕爲外護賊退復架木橋於壕後建關橋上以守之 躍鯉橋在縣南一里以近臥冰池得名宋尹程宗傑建 觀音